

Նրա որդին էջմիածնումն է ծառայում, իսկ հայրը, թէկուզ էլ անգրագետ, վախագեղ է քահանայ դառնալ և ապա մեռնել... Աշխարհի սկզբից մինչև այսօր սա տարօրինակ երևույթ չէ համարւում. ո՞վ է տեսել, որ որդու մահից վետու՞ նրա գահը ժառանգէ հայրը:

Այս դառամալ նորընծան հինգերորդ քահանան է աչն գիւղի մէջ, որի վրա նա ձեռնադրւեց, իսկ վեցերորդը ձեռնադրւեց Նրանից հինգ օր չետու, Չէք հաւատում, կամենաք քահանաների անունները մէկ-մէկ վիշնք, — տէր-Խաչատուր, տէր-Պետրոս, տէր Յովհաննէս, տէր-Պողոս, տէր-Մոսէս և տէր-Վրիդոր. իսկ գիւղը՝ Կուսապատ:

Մենք նմուշի համար առաջ բերեցինք ալստեղ շատերից մի երկու փաստ, որպէս զի մեր ասածը սուտ չհամարեն Նրանք, որոնց չատկութիւնն է միշտ ստել և կեղծել, գուալ և գոչել՝ թէ հաշուեցին մեզ, սրբապղծեցին ժողովրդի ազնիւ զգացմունքները, չարձակեցին հոգևորականութեան դէմ... Ապա ինչ, ծածկել վէրքը, որ փտի մարմնի մորթու տակ և ապականէ ամբողջ կազմը:

Եթէ Ղարաբաղի թեմին ալսօրւանից սկսած ամենաքիչը քսան տարի քահանայ չտան, եղածը նրան հերիք է և ոչ մի տրտուք չի չարացանի որ և է հասարակութիւն, միայն թէ չզրգուեն Նրան տգէտ տիրացուների բարեկամները և հոգևոր իշխանութեան դուռը չը ղրկեն:

Զուր է միանգամայն շտապել հաւատ ընծայելու հասարակութեան աչն ներկաչացուցիչներին, որոնք առաջին անգամ առաջնորդարանի դռներն են մաշում. պէտք է մտնել, անձամբ մտնել ժողովրդի մէջ և չափել նրա ցաւը. աչն ժամանակ կը տեսնէք, որ հնար կալ տգիտութեան դէմ մաքառելու. Հարեան գիւղն ունի երկու քահանայ, իսկ քահանայ խնդրող գիւղը հինգ վերստի վրա է կանգնած ալք գիւղից. Քահանայ ունեցող գիւղը քառասուն ծուխ է, իսկ մօտիկ գտնւած 10—15 տուն ունեցող գիւղը քահանայ է խնդրում. Եւ սրանք համարւում են ղժաարութիւններ:

Անարդարութիւն է կաշառքով տգէտ քահանաները բազմացնել ու մեղքը ժողովրդի վրա դրել:

Շուշի:

S.

ՔԱՅԱՆԱՅԱԿԱՆ ԽՆԴԻՐԸ

ՍՈՒԼԴՈՒԶ ԵՒ ՍՈՎՈՒԶՅՈՒԼԱՂ ԳԱԽԱՆԵՐՈՒՄ ¹⁾

Հրաւիրում եմ ուշադրութիւն Պարսկա-բրդաստանի խուլ ան-

¹⁾ «Շաւիղ», 1994 թ., № 16, Յօդածից, որ խորագրած է «Սուլդուղ և Սովուզուղ գաւառները», գէն ենք գցել սկզբի մի քանի տողերը: Խմբ.

